

錄要文正道畢矣夫人因塗及叩頭苦請
玉女共爾須臾之間真人出文見授此十
方真人亦於此得文修學今得十方靈寶
真人也
洞玄靈寶丹水飛術運度小劫妙經

洞玄靈寶諸天世界造化經


人五

天專說經開叙品第一

太上天尊居靈鳥山中與諸天人說十二部
經於是乃分四十萬品弟子書之故曰妙道
爾時天尊化為居士而智慧無窮而告衆曰
我學道以來九十一劫斷求念空故得無想
定通東聖中王以洞達之照得見天地敗而
更成衆生死而復生無有窮已如日月圍繞
崦嵫之山旋照四方天下周而復始無止息
時有四千崦嵫四千日月四千天下有大海
水四千大龍王宮四千大金翅鳥王宮四千
大惡道高數萬里大神山高數千里大神樹
萬種種大地獄合爾所名為小劫世界數是
小劫世界千名為中劫世界數是中劫世界
千名為三界大劫世界從彼始成至復七日
並出悉燒敗之一切蕩盡後復更成一如往
法無休止時自然如是無神為也亦如衆生
死而復生但其壽長遠人不知之又衆生死
時形滅而神移皆緣其生時所作罪福至彼
五道之處何謂五道一者天道二者人道三

者地獄之道四者餓鬼之道五者畜生蟲獸
之道若其人生世積德深厚得上福則生
天道長壽好形安樂無極遠知宿命因緣之
事若其生世得在中福則生人道得其富貴
之門無所不足若其人生世福微罪多得在
下福則生貧賤之門凡事下惡所向無可或
得盲聾瘖瘂六疾醜惡奴婢臭處賤穢之身
是上二道雖有優劣猶勝是下三塗有生之
苦若其人生世慳貪悋惜不施飢渴不濟窮
急即生餓鬼之道當受鬼形腹如懸鼓喉中
容糞穢見美饌不能得食長受飢餓形色醜
惡兼有長年思滅不得若其人生世奉親無
孝九族無仁惡及百姓羣衆所忌者則生地
獄之道受其罪鬼之形常被毒毒不可勝說
若其人生世好殺害衆生射獵為事屠割為
業不知修福但行惡事即生畜生之道為彼
羊牛猪狗鷄鴨受其屠割秤賣之報如先身
所為誰能見是唯得道者知之謂汝未信故
說偈頌
天地諒改換 何等能常存 出生必入死

神隨五道緣 敢或有欺誑 地獄相拘連
但當修善業 悔過滅罪根



太上耀靈之符行之無怠超凌三界得離五
苦轉輪不滅位為真人


崑崙山王四天下品第二

道言我在玄化之前故有太上號見彼崑崙
山王以金銀琉璃水精作之上高三百三十
六萬里下有大海圍之深亦三百三十六萬
里廣亦三百三十六萬里地深二十億萬里
次下有地亦深二十億萬里次下有果金二
十億萬里次下有剛鐵二十億萬里次下有
水深八十億萬里次下有天風深厚五百二
十億萬里以是大風持地使有墜落地浮水
上水浮風上其下大空異天地也崑崙山北
以金光照之其天下名壽星越地方四十萬

里人壽千歲其髮紺色男女長短同等無有
高下民悉好善不復相教作惡者也凡四天
下是天下最勝三天下也又崑崙山西以水
精照之其天下名大磨界其地如半月之形
廣長三十二萬里人壽二百歲其人長短皆
有人間之事壽夭之年又崑崙山東天下以
銀光照之名碧落界地方四十六萬里地正
圓人壽三百歲或長或短皆有人間之事壽
夭之年又此崑崙山南以琉璃光照之地方
二十八萬里其地名棄賢界其人或長或短
於人間最苦不如彼三天下人也年壽無定
猶有一事勝三天下及上諸天人者其人勇
猛求道易也若能修福從我道者逕上生天
堂或出三界得無上道如其積罪者死入地
獄俄頃之間無有定品又崑崙之山在黃曾
天下大微帝君或居中央有四天王各鎮四
邊各掌一方天下常以月一日八日遣使若
下察行天下伺察帝王臣民龍鬼蜃飛蚊行
蠕動之類心念口言身行善惡十四日遣真
人下十五日十八日仙王下二十三日二十

四日使者復下二十八日二十九日仙王下
三十日諸天王下四下者日月五星二十八
宿其中諸天森然俱下伺察眾惡罪犯之者
汝曹當以是日改心易行持齋悔過誦經持
戒唯行善事能如是者天官愛護司命益算
盡其本壽不遭枉橫至其壽盡上生天堂衣
食自然安樂無窮是言至實而汝未信故說
偈頌

爾觀四天下 矜是無祕言 受生若電過
那不修福田 冥冥地獄中 萬萬億劫年
天律無原教 為欲訴何尊




天律乘真正魔邪神符騰福至與道昇遐玄
都司契紀法不赦急急如律令

日月旋照四天下及天上品第三
道言崑崙山上方三十六萬里其中神聖居

之各有方位又有日月天子光明具足普照
天下唯月城之中有五風轉行月中有四宮
五夫人有窈樹上高四千里所以影見月中
善人見之其樹有實不可稱說又有七仙精
舍及七寶之山七寶之樹此等仙人常修我
道終無橫夭損壽也汝曹若欲生是長壽天
中者當修是下五事一者慈心不殺愛存物
命二者賢良不盜濟救窮急三者用心貞潔
不犯外色四者奉齋護戒精進無倦五者誠
信不欺滅酒慎過行是五事必得生天謂汝
不信故說偈頌

時行巨能制 衰哉生世促 如何萌罪毒
天官所糾錄 一往無拯救 沈魂淪地獄
速願生天好 三塗不可觸




太上尊靈經之符濟有羣生開悟盲冥雜妙

華者修心恭敬得金光之身無量壽命急急
如律令

諸天世界大洞品第四

道言三界之人凡有三生一者花生二者化
生三者胎生花生者積福深厚於蓮花中生
為彼天人化生者福有神力於變化中生唯
有胎生福德微淺最為下方託神肉形年壽
短促不如天人天人雖樂猶在三界之內至
其壽盡還生下土無由得道真人無死能有
能無金剛不能為固石壁不能為障雷建不
能為駛水火不能為患諸天不能為隔智慧
不能為長鬼神無不降伏有生無不宗仰是
為無上三界之人得道者與虛空合體無盡
者也其化生者先有善功應化故也欲希昇
度喻如脫身救獸忘死求道當行萬善斷棄
俗緣隱居山林奉禮羣聖日夜齋真沐浴潔
清洗滌口齒不食臭惡令精神附著不害羣
生唯道是從誓願不絕得道飛仙如是之教
語諸仙官道士有法服之身非是帝王臣民
所能行之但能遵行十善修奉五戒不誅十

惡必生上天八劫之壽有兼聖則得生道非
誑汝也




諸天齊功隨願即報紀德仙都及諸羣魔鬼
神有來聽者增官益族早得天道為金光真
人不輕慢玄都律吏明如律令

小劫大劫天地敗成品第五

道言地有三災一者大災二者水火三者風
災先為小劫後為大劫小劫至時陰陽氣變
水旱不調五穀匱乏一切木石草棘及衆生
指爪盡成刀劍互相殺伐人民死盡兼人命
短淺忽自誑惑七日之內相殺都盡是洪水
滔溢洗滌天地山川改換土地平坦甘露降
臻真人下生身有明光名曰崐崙爾時洪水
美好味甘除患一種七獲如有便利不淨地
即裂之受已還合人壽八萬歲女年五百歲

方乃行嫁天下快樂同彼上天其後真人過去後生之徒漸漸積罪經是數千萬年地獄滿溢大劫欲至帝王臣民父子上下相殘民無忠孝君無慈仁劫盜橫起逆暴相仍為惡之苦劇於大劫之前及四天之下人情盡惡無有往日淳風之俗於是大劫始至大災先起二日並出乃至三日四日五日六日七日一時俱為是數萬億年河海乾涸眾生死盡天尊觀地上其中男女散戲地味之草顏色變惡失其光明其身即重不能飛去常居下苦於是天尊憐此眾苦今日月還生星宿復度風雨順時天降甘露地出醴泉人無疾病華色赫奕其壽六萬食自然之米衣自然之服後世人性行轉薄罪積萌生年壽漸短自然衣食忽自珍滅乃食鳥獸之肉衣其皮羽更相殘害罪負日積陰陽不調雨旱不節冬則穴處夏則巢居以避時害未有衣食禮義之節死入地獄不得生天如是萬億年方生聖智感降教化伏牛乘馬造大田置衣食君人之事以相維制有高下貴賤之差能行

至善行合道教則得生天如其不然悉入地獄冥冥萬劫無有出期以是之故今說偈頌地獄徒罪苦 永劫無出期 蒙毒由身植 信哉莫爾嗤 形滅及泉壤 神魄隨功基 天地猶一忽 汝無疾風時



下敷元生和神之度翼是靈經天人慶慕扶福三界除汝罪故敢能毀隨律無慈急急如律令

九幽地獄品第六

道言其實曾天下凡有九州皆以小海環之流通崐崙大海我今教化之處名曰赤縣小洲中為九州法彼大洲者也是小九州之人聰明巧偽少有真實希得生天多入九幽地獄縱橫數十萬里其中冥冥盡是罪人或洋銅灌口或鑊湯煮之或猛火燒之或鐵叉刺

之或鐵鉗之或火杖拷之或屠解其形懸其頭首或擔砂負石填河塞海大神結政徒罪無赦或為一切二劫三劫四劫乃至百劫是劫有大深坑方四十里告令罪人作投百年投一芥子至是坑平滿名為一切又有大石方四十里告令罪人徒作百年以天衣一拂須是大石消盡名為一切爾時罪人哭泣相向相謂曰芥子至小是坑深廣何當平滿是石堅勁天衣輕眇百年一拂何當消盡而獄吏聞之怒而告曰如是之劫其數二十未名半小劫也罪人聞之氣思哀咽死而復生將知入是科罪無復出期方恨先身不孝惡逆為賊殺生誹謗經道奪人之命負人之財姦巧盜取不奉神道致有是報者也我見如是念汝士女不可為罪故說偈頌

坑石不為名 二十非大劫 悠悠徒罪中 神魄不為滅 須臾起身形 雙爾復屠裂 鑊湯為蒸爇 刀風為殛切 應哉下天人 何不建福業 生天必可果 況復神仙法

告眾聖品第七

太上天尊說是經已爾時衆聖諸君丈人九老仙都君九炁丈人等悉皆在座咸曰善哉上白天尊如是悟道無不宗仰請問彼諸天世界復有至化不天尊告白自我學道九十一劫因學教化六十二億塵沙世界或分神散體同其生死或化作金剛瑠璃之光或為帝王聖智長老童子或為神瑞仁獸師子白鹿麒麟鳳凰種種方便無所不通但天下衆生罪業深重緣期未至不能變化終歸地獄其中受化之者悉得至道不生三界汝曾既觀道場唯當闡揚道教濟度羣生為發大願普令國主帝王總及諸天地法界一切臣民下至蚩蚩蠕動蚊行之類皆使開悟不入三塗十苦八難死得無極之樂生得法身無量之壽七寶宮殿無物不足汝能如是濟度則為天人之師可不勉也天尊告白是經出世未可隱藏同契相授景福由昌謬傳流俗獲罪招殃於是衆聖稽首悉皆稱善信受奉行

洞玄靈寶諸天世界造化經

太上靈寶天地運度自然妙經

六

道言太上靈寶先天地而生然後有天地數起於一立於三成於五成於七極於九故天去地九萬里積陽氣道陰形列布崐崙為地柱氣上通崐崙者地之中地崐崙直東一億萬六千五百里崐崙直西一億萬六千五百里崐崙直南一億萬六千五百里崐崙直北一億萬六千七百五十里地周遊四匝四億二萬六千二百五十里焉
道言夫日月徑上千里周三千里運行八十一域更迭朦朧眩暎北斗九星二星陰不見相去九萬里以沈澗八十一州八百一十域北斗崐崙嶺上抱崐崙嶺氣運注天下春夏為零露秋冬為霜雪人與天地同也天地八方之外萬物受性皆懷憂苦常傷人民含血蠕動不得自在與天地爭命皆當歸死骸骨消入於地精神飛翔輾轉五道為善上天為惡入淵凡人生時所為善惡精神魂魄隨其罪福唯學道求生達運度極致可以長存復陽九之運

道言人生涉胞胎當經十月日死如大風卒起無期死至無時當與心爭為善勿疑故以經道勸勵學士目所不見耳所不聞瑤琦珍物亦何益於身諸為道者當信經誠守善以死不犯惡而生道不可失德不可違違道失德如兒生無母如魚脫淵若志學輪轉死生如盤在關中混混沌沌故一旦變形易數道成於微長齋誦經為德之根自然玄解運度足于神方之外得禮太上玉京之尊乃作頌曰
我唯年衰時 百病皆當經 水消而火起 災衝解其形 百骸生分離 大劫要當傾 吾故畏是痛 求道願長生 去此塵中累 會彼至寂貞 高行期大乘 自然學道成 輪轉無上德 忘我故不名 靜慮度八難 道運竟何嘗
道言夫生惟人為貴既有其生宜獎而成之而貪財怯惜不肯施散奉事師寶以求昇度執自思惟令身非我身所有財寶亦非我有官爵俸祿為身重累將何益於己身老病死